



IZVJEŠTAJ

O REALIZACIJI PROGRAMA UTROŠKA SREDSTAVA IZ BUDŽETA OPĆINE KAKANJ ZA PODSTICAJE U POLJOPRIVREDI ZA 2021. GODINU

OBRADIVAČ: Služba za privredu, urbanizam i zaštitu okoline

PREDLAGAČ: Općinski načelnik

RAZMATRA I USVAJA: Općinsko vijeće

Kakanj, januar 2022. godine

UVOD

Članom 26. Zakona o poljoprivredi ("Službene novine FBiH", broj: 88/07, 04/10, 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Kakanj za 2021. godinu odobreno **423.800,00 KM** za podsticanje poljoprivredne proizvodnje, što predstavlja kontinuirano izdvajanje sredstava iz Budžeta Općine za oblast poljoprivrede na području općine Kakanj.

Gore navedena podsticajna sredstva su odobrena sa pozicija „Podsticaj poljoprivrednoj proizvodnji, ekonomski kod: 614500”, “Ostale usluge iz Programa podsticaja poljoprivrednoj proizvodnji - ostale usluge, ekonomski kod: 613900”, “Ugovori o djelu iz Programa podsticaja poljoprivrednoj proizvodnji - ugovori o djelu, ekonomski kod: 613900”, “Transfer neprofitnim organizacijama, ekonomski kod: 614300” i “Transferi pojedincima iz Programa utroška sredstava za podsticaje u poljoprivredi za 2021. godinu, ekonomski kod: 614200”.

Nakon usvojenog Budžeta Općine Kakanj za 2021. godinu, sačinjen je Program utroška sredstava iz Budžeta Općine Kakanj za podsticaje u poljoprivredi za 2021. godinu, a koji je usvojen na 5. sjednici, održanoj 31.03.2021.godine, te je Rješenjem Općinskog načelnika formirana Komisija za pripremu, organizaciju i realizaciju podsticaja u oblasti poljoprivrede za 2021. godinu.

Zadatak Komisije je bio da shodno usvojenom Programu utroška sredstava iz Budžeta Općine Kakanj za podsticaje u poljoprivredi za 2021. godinu, sa kriterijima raspodjele novčanih sredstava po oblastima u poljoprivredi, obavijesti sve zainteresirane o uslovima, neophodnoj dokumentaciji i rokovima za prijavu, da obiđe prijavljene kandidate na terenu i sačini Zapisnik na licu mjesta, te odobri i obračuna visinu podsticaja za one koji ispunjavaju kriterije i dostave naloge za plaćanje Službi za finansije.

Komisija je u periodu januar-decembar u 2021. godini primila i odobrila općinske podsticaje za **911** podnešenih zahtjeva.

Preduslov za ostvarivanje podsticaja je bio upis u Registar poljoprivrednih gazdinstava i registar klijenata, te ažuriranje podataka upisa u RPG i RK za 2021. godinu u zakonski propisanom roku.

II REALIZACIJA PROGRAMA

Tabela 1. Realizovani općinski podsticaji, shodno Programu utroška sredstava iz Budžeta Općine Kakanj u poljoprivredi za 2021. godinu

R.b.	Naziv podsticaja	Planirana sredstva po Programu (KM)	Utrošeno sa pozicije „Podsticaj poljoprivrednoj proizvodnji“ (KM)	Utrošeno sa pozicije “Ostale usluge iz Programa podsticaja polj. proizvodnji” (KM)	Utrošeno sa pozicije “Ugovori o djelu iz Programa podsticaja polj. proizvodnji” (KM)	Utrošeno sa pozicije “Transfer neprofitnim organizacijama”	Utrošeno sa pozicije” Transfer pojedincima”	Ukupno utrošeno sredstava (KM)
A/1	PODSTICAJ ZA ANIMALNU PROIZVODNJU							
1.1.	Podsticaj za proizvedene-otkupljene količine svježeg kravljeg mlijeka za IV kvartal 2020, I, II i III kvartal 2021.godine (organizovani otkup)	85.000,00	75.910,52					75.910,52
1.2.	Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kakanju)		3.900,00					3.900,00
2.	Podsticaj za rasplodne krmače	5.000,00	4.050,00					4.050,00
3.	Podsticaj za pčelarstvo	29.000,00	22.221,50					22.221,50
A/2	PODSTICAJ ZA BILJNU PROIZVODNJU							
1.	Podsticaj za plasteničku i stakleničku proizvodnju	28.000,00	29.771,25					29.771,25
2.	Podsticaj za proljetnu i jesensku obradu polj. zemljišta	29.000,00	46.058,40					46.058,40
3.	Podsticaj za održavanje intenzivnih zasada visokostablašica (jabučasto, koštičavo i jezg.voće)	15.000,00	16.083,84					16.083,84
4.	Podsticaj za održavanje zasada jagodastog voća koji nisu u organizovanom otkupu (aronija, američka borovnica, ribizla, i dr.), te pitomog šipurka	2.000,00	2.006,00					2.006,00

R.b.	Naziv podsticaja	Planirana sredstva po Programu (KM)	Utrošeno sa pozicije „Podsticaj poljoprivrednoj proizvodnji“ (KM)	Utrošeno sa pozicije “Ostale usluge iz Programa podsticaja polj. proizvodnji” (KM)	Utrošeno sa pozicije “Ugovori o djelu iz Programa podsticaja polj. proizvodnji” (KM)	Utrošeno sa pozicije “Transferi i neprofitnim organizacijama”	Utrošeno sa pozicije “Transferi pojedincima”	Ukupno utrošeno sredstava (KM)
5.	Podsticaj za proizvedene - otkupljene količine voća i povrća (organizovani otkup- jagodasto voće, visokostablašice, kornišoni i ostalo povrće)	36.000,00	19.653,99					19.653,99
B	OSTALE VRSTE PODSTICAJA							
1.	Podsticaj za registraciju poljoprivrede kao osnovne djelatnosti- do 35.god.+3.000,00KM	20.000,00	17.367,21					17.367,21
2.	Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine	40.000,00	40.000,00					40.000,00
3.	Sufinansiranje projekata udruženjima poljoprivrednih proizvođača – članica Saveza „KAP“ Kakanj	24.000,00	23.793,60					23.793,60
4.	Podsticaj za sufinansiranje projekata u saradnji sa međunarodnim organizacijama	40.000,00	27.612,00					27.612,00
5.	Ugovorene obaveze iz 2018., 2019. i 2020. godine (refundacije doprinosa za registrovane polj. proizvođače i dr.)Projekat jesenska sjetva 2020 u saradnji sa FMPVŠ.	37.000,00	35.989,57					35.989,57
6.	Rezervna sredstva	15.000,00	4.589,00					4.589,00

R.b.	Naziv podsticaja	Planirana sredstva po Programu (KM)	Utrošeno sa pozicije „Podsticaj poljoprivrednoj proizvodnji“ (KM)	Utrošeno sa pozicije “Ostale usluge iz Programa podsticaja polj. proizvodnji” (KM)	Utrošeno sa pozicije “Ugovori o djelu iz Programa podsticaja polj. proizvodnji” (KM)	Utrošeno sa pozicije “Transferi i neprofitnim organizacijama”	Utrošeno sa pozicije “Transferi pojedincima”	Ukupno utrošeno sredstava (KM)
C	OSTALE USLUGE IZ PROGRAMA POTICAJA POLJOPRIVREDNOJ PROIZVODNJI, UGOVORI O DJELU, TRANSFERI NEPROFITNIM ORGANIZACIJAMA I TRANSFERI POJEDINCIMA							
1.	Ostale usluge iz Programa podsticaja poljoprivrednoj proizvodnji	16.000,00		15.033,60				15.033,60
2.	Ugovori o djelu	1.800,00			0			0
3.	Transferi neprofitnim organizacijama	1.000,00				8.816,20		8.816,20
4.	Transferi pojedincima iz Programa utroška sredstava za podsticaje u poljoprivredi za 2021.god.	5.000,00					2.450,00	2.450,00
	UKUPNO:	423.800,00	369.006,88	15.033,60	0	8.816,20	2.450,00	395.306,68

A - PODSTICAJ POLJOPRIVREDNOJ PROIZVODNJI

A/1 PODSTICAJ ZA ANIMALNU PROIZVODNJU

1.1. Podsticaj za proizvedene-otkupljene količine svježeg kravljeg mlijeka za IV kvartal 2020, I, II i III kvartal 2021.godine (organizovani otkup)

1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kaknju)

Za gore navedene tačke 1.1. i 1.2. planiran je podsticaj u iznosu od **85.000,00 KM**.

Za tačku 1.1. Podsticaj za proizvedene-otkupljene količine svježeg kravljeg mlijeka za IV kvartal 2020, I, II i III kvartal 2021.godine (organizovani otkup) isplaćen je iznos od **75.910,52 KM**, a ukupno je primljeno, obrađeno i odobreno 204 zahtjeva. Ukupna predata i otkupljena količina svježeg kravljeg mlijeka sa područja općine Kakanj u 2021. godini iznosila je **791.959** litara.

Za tačku 1.2. Podsticaj za proizvođače svježeg kravljeg mlijeka koji nisu u organizovanom otkupu mlijeka (prodaja svježeg kravljeg mlijeka i mliječnih proizvoda na Zelenoj pijaci u Kaknju) isplaćen je iznos od **3.900,00 KM**, a ukupno je primljeno, obrađeno i odobreno 12 zahtjeva.

Za gore navedene podsticaje je primljeno, obrađeno i odobreno ukupno 216 zahtjeva i isplaćeni podsticaji u iznosu od 79.810,52 KM.

2. Podsticaj za rasplodne krmače

Podsticaj za rasplodne krmače planiran je u iznosu od **5.000,00 KM**, a isplaćen je iznos od **4.050,00 KM**.

Za ovaj podsticaj je primljeno, obrađeno i odobreno 9 zahtjeva i isplaćen podsticaj u iznosu od 4.050,00 KM.

Ostatak sredstava u iznosu od 950,00 KM, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021. godinu, je preusmjeren na poziciju na kojoj je nedostajalo sredstava za isplatu (C/3 Transfer neprofitnim organizacijama).

3. Podsticaj za pčelarstvo

Podsticaj za pčelarstvo planiran je u iznosu od **29.000,00 KM**, a isplaćen je iznos od **22.221,50 KM**.

Za ovaj podsticaj je primljeno, obrađeno i odobreno 112 zahtjeva i isplaćen podsticaj u iznosu od 22.221,50 KM.

Ostatak sredstava je preusmjeren na pozicije na kojima je nedostajalo sredstava za isplatu podsticaja i to na poziciju A/2-2 Podsticaj za proljetnu i jesensku obradu zemljišta iznos od 2.716,60 KM, iznos od 1.083,84 KM je preusmjeren na poziciju A/2-3 Podsticaj za održavanje intenzivnih zasada visokostablašica te iznos od 2.978,06 KM je preusmjeren na poziciju C/3 Transfer neprofitnim organizacijama

A/2 PODSTICAJ ZA BILJNU PROIZVODNJU

1. Podsticaj za plasteničku i stakleničku proizvodnju

Podsticaj za plasteničku i stakleničku proizvodnju planiran je u iznosu od **28.000,00 KM**, a isplaćen je iznos od **29.771,25 KM**.

Kako bi se odobrio podsticaj svim podnosiocima zahtjeva koji su za to stekli uslove, uz planirana novčana sredstva, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021.godinu, na ovu poziciju preusmjereno je dodatnih 1.771,25 KM sa pozicije B/6 Rezervna sredstva.

Ukupna prijavljena površina pod plasteničkom proizvodnjom iznosi **18.845 m²**.

Za ovaj podsticaj je primljeno, obrađeno i odobreno 127 zahtjeva i isplaćen podsticaj u iznosu od 29.771,25 KM.

2. Podsticaj za proljetnu i jesensku obradu poljoprivrednog zemljišta

Podsticaj za proljetnu i jesensku obradu poljoprivrednog zemljišta planiran je u iznosu od **29.000,00 KM**. Za proljetnu obradu zemljišta isplaćen je iznos od **31.716,60 KM** dok je za jesensku obradu zemljišta isplaćen iznos od **14.341,80 KM**.

Kako bi se odobrio podsticaj svim podnosiocima zahtjeva koji su za to stekli uslove, uz planirana novčana sredstva, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021.godinu, na ovu poziciju preusmjereno je dodatnih 2.716,60 KM sa pozicije A/1-3 podsticaj za pčelarstvo i 14.341,80 KM sa pozicije A/2-5 Podsticaj za proizvedene-otkupljene količine voća i povrća.

Ukupna prijavljena površina za proljetnu obradu zemljišta iznosi **659.896 m²** a za jesenju **317.846 m²**.

Za ovaj podsticaj je primljeno, obrađeno i odobreno 145 zahtjeva i isplaćen podsticaj u iznosu od 46.058,40 KM.

3. Podsticaj za održavanje intenzivnih zasada visokostablašica (jabučasto, koštičavo i jezgrasto voće

Za gore navedeni podsticaj planiran je iznosu od **15.000,00 KM**, a isplaćen je iznos od **16.083,84 KM**.

Kako bi se odobrio podsticaj svim podnosiocima zahtjeva koji su za to stekli uslove, uz planirana novčana sredstva, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021.godinu, na ovu poziciju preusmjereno je dodatnih 1.083,84 KM sa pozicije A/1, tačka 3. Podsticaj za pčelarstvo.

Ukupna prijavljena površina pod intenzivnim zasadima visokostablašica iznosi **253.373 m²**.

Za ovaj podsticaj je primljeno, obrađeno i odobreno 40 zahtjeva i isplaćen podsticaj u iznosu od 16.083,84 KM.

4. Podsticaj za održavanje zasada jagodastog voća, a koji nisu u organizovanom otkupu (aronija, američka borovnica, ribizla i dr.), te pitomog šipurka u 2021. godini

Podsticaj za održavanje zasada jagodastog voća, a koji nisu u organizovanom otkupu (aronija, američka borovnica, ribizla i dr.), te pitomog šipurka u 2021. godini planiran je u iznosu od **2.000,00 KM**, a isplaćen je iznos od **2.006,00 KM**.

Kako bi se odobrio podsticaj svim podnosiocima zahtjeva koji su za to stekli uslove, uz planirana novčana sredstva, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021.godinu, na ovu poziciju preusmjereno je dodatnih 6,00 KM sa pozicije B/6 Rezervna sredstva.

Ukupna prijavljena površina pod zasadima jagodastog voća koji nisu u organizovanom otkupu iznosi **18.810 m²**.

Za ovaj podsticaj je primljeno, obrađeno i odobreno 8 zahtjeva i isplaćen podsticaj u iznosu od 2.006,00 KM.

5. Podsticaj za proizvedene-otkupljene količine voća i povrća

Podsticaj za proizvedene-otkupljene količine voća i povrća planiran je u iznosu od **36.000,00 KM**, a isplaćen je iznos od **19.653,99 KM**.

Ukupna predata i otkupljena količina voća i povrća sa područja općine Kakanj u 2021. godini iznosi **139.638,75 kg**.

Za ovaj podsticaj je primljeno, obrađeno i odobreno 143 zahtjeva i isplaćen podsticaj u iznosu od 19.653,99 KM.

Dio neutrošenih sredstava u iznosu od 14.341,80 KM je preusmjeren na poziciju na kojoj je nedostajalo sredstava za isplatu podsticaja (A/2-2 podsticaj za proljetnu i jesensku obradu zemljišta).

B OSTALE VRSTE PODSTICAJA

1. Podsticaj za registraciju poljoprivrede kao osnovne djelatnosti

Podsticaj za registraciju poljoprivrede kao osnovne djelatnosti planiran je u iznosu od **20.000,00 KM**, a utrošeno je **17.367,21 KM**.

Općinski podsticaj je namijenjen za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju poljoprivrede (osnovna djelatnost), za mlade osobe starosti do 35.god.Osim navedenih sredstava, odobrena su i dodatna sredstva u iznosu od 3.000,00KM za nabavku polj.mehanizacije,opreme ili alata za proizvodnju za koju je registrovana djelatnost. Ukupno je registrovano 5 samostalnih poljoprivrednika.

Za gore navedeni podsticaj je primljeno, obrađeno i odobreno 5 zahtjeva i isplaćen podsticaj u iznosu od 17.367,21 KM

Imajući u vidu da je pozicija ostala neutrošena, dio sredstava u iznosu od 2.632,79 KM je preusmjeren na poziciju na kojoj je nedostajalo sredstava za isplatu (C/3 Transfer neprofitnim organizacijama).

2. Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine Kakanj

Podsticaj za sufinansiranje nabavke opreme i mašina za registrovane prerađivačke kapacitete u oblasti poljoprivrede za pravna i fizička lica sa područja općine Kakanj planiran je u iznosu od **40.000,00 KM**, a isplaćen je iznos od **40.000,00 KM**.

Za ovaj podsticaj je primljeno, obrađeno i odobreno 2 zahtjeva i isplaćen podsticaj u iznosu od 40.000,00 KM.

3. Podsticaj za sufinansiranje projekata udruženjima poljoprivrednih proizvođača – članica Saveza „KAP“ Kakanj

Podsticaj za sufinansiranje projekata udruženjima poljoprivrednih proizvođača – članica Saveza „KAP“ Kakanj u cilju razvoja i unapređenja poljoprivrede na području općine Kakanj, planiran je u iznosu od **24.000,00 KM**, a isplaćen je iznos od **23.793,60 KM**.

Za ovaj podsticaj je primljeno, obrađeno i odobreno 8 zahtjeva i isplaćen podsticaj u iznosu od 23.793,60 KM.

4. Podsticaj za sufinansiranje projekata u saradnji sa međunarodnim organizacijama

Općina Kakanj je sa NVO „Muslim Aid“ Sarajevo potpisala Sporazum o realizaciji Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima na području općine Kakanj“ (dodjela 20 plastenika x 100 m²), broj: 02/1-1269/21 od 26.02.2021. godine.

Ukupna vrijednost Projekta je **57.520,00 KM**, od toga NVO „Muslim Aid“ Sarajevo je učestvovao u iznosu od 40 %, (**23.008,00 KM**), Općina Kakanj sa 48 % (**27.612,00 KM**) i vlastito učešće korisnika (20) od 12 % (**6.900,00 KM**).

Na ovoj poziciji planirana su sredstva u iznosu od 40.000,00 KM a ukupno je utrošeno 27.612,00 KM.

Dio neutrošenih sredstava u iznosu od 2.000,00 KM je preusmjeren na poziciju na kojoj je nedostajalo sredstava za isplatu (C/3 Transfer neprofitnim organizacijama)

5. Ugovorene obaveze iz 2018, 2019. i 2020. godine (refundacije doprinosa za registrovane poljoprivredne proizvođače, i dr.),Projekat jesenska sjetva 2020 u sradnji sa FMPVŠ

Podsticaj za Ugovorene obaveze iz 2018, 2019. i 2020.godine (refundacije doprinosa za registrovane polj.proizvođače, dr.) i Projekat jesenska sjetva 2020 u sradnji sa FMPVŠ, planiran je u iznosu od **37.000,00 KM**, a isplaćen je iznos od **35.989,57 KM**.

Shodno potpisanim ugovorima o realizaciji općinskog podsticaja za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju djelatnosti - poljoprivreda (osnovna djelatnost), obaveza Općine je da onima koji registruju poljoprivrednu djelatnost (osnovna djelatnost) u 2018, 2019. i 2020. godini, refundira troškove obaveznih doprinosa u prvoj i drugoj godini sa 100%, u trećoj godini 50%, a preostalih 50% krajnji korisnik. Općina Kakanj je troškove obaveznih doprinosa uplaćivala mjesečno na žiro račun korisnika podsticaja, nakon dostavljanja obrazaca 2002 iz kojeg su vidljive uplate obaveznih doprinosa korisnika. Uplaćen iznos podsticaja za ovu namjenu je **33.073,53 KM**.

Također su uplaćena i sredstva za Projekat jesenska sjetva 2020 u saradnji sa FMPVŠ u iznosu od **2.916,04 KM** shodno potpisanom Sporazumu o realizaciji programa.

Od toga Federalno ministarstvo poljoprivrede, vodoprivrede i šumarstva je učestvovalo sa sredstvima u iznosu od **11.664,17 KM (80%)** i Općina Kakanj u iznosu od **2.916,04 KM (20%)**.

Po ovom Programu sredstva su ostvarila 43 poljoprivredna proizvođača iznosu od od 14.580,21 KM.

6. Rezervna sredstva

Rezervna sredstva za hitne i nepredviđene aktivnosti u oblasti poljoprivrede koje se pojave tokom budžetske godine su planirana u iznosu od **15.000,00 KM**, a isplaćena su u iznosu od **4.589,00 KM**.

Gore navedena sredstva su utrošena za finansijsku pomoć poljoprivrednim proizvođačima po dostavljenim zahtjevima.

Ukupno je primljeno, obrađeno i odobreno 5 zahtjeva i isplaćen je iznos od 4.589,00 KM.

Imajući u vidu da je pozicija ostala neutrošena, dio sredstava u iznosu od 1.771,25 KM je preusmjeren na poziciju na kojoj je nedostajalo sredstava za isplatu podsticaja (plastenička proizvodnja), dio sredstava u iznosu od 6,00 KM je preusmjeren na poziciju za održavanje zasada jagodastog voća koji nisu u organizovanom otkupu a dio u iznosu od 5.000,00 KM je preusmjeren na formiranje nove pozicije C/4 „ Transfer pojedincima iz Programa utroška sredstava za podsticaje u poljoprivredi za 2021.god.“

C) OSTALE USLUGE IZ PROGRAMA PODSTICAJA POLJOPRIVREDNOJ PROIZVODNJI, UGOVORI O DJELU, TRANSFERI NEPROFITNIM ORGANIZACIJAMA I TRANSFERI POJEDINCIMA

1. Ostale usluge iz Programa podsticaja poljoprivrednoj proizvodnji

Podsticaj za ostale usluge iz Programa podsticaja polj.proizvodnji planiran je u iznosu od **16.000,00 KM**, a isplaćen je iznos od **15.033,60 KM**.

Sredstva su utrošena za fakture koje su se javljale tokom budžetske godine.

Ukupno je primljeno, obrađeno i odobreno 7 zahtjeva i isplaćen je iznos od 15.033,60 KM.

2. Ugovori o djelu

Za teoretske i praktične edukacije iz oblasti poljoprivrede planiran je iznos od 1.800,00 KM, sredstva nisu utrošena. Zbog pandemije uzrokovane virusom Covid 19 donesene su mjere zabrane okupljanja u zatvorenom prostoru za veći broj osoba, tako da nadležna Služba Općine Kakanj nije organizirala teoretske i praktične edukacije.

3. Transfer neprofitnim organizacijama

Transfer neprofitnim organizacijama planiran je u iznosu od **1.000,00 KM**, a isplaćen je iznos od **8.816,20 KM**.

Gore navedena sredstva su utrošena za finansijsku pomoć Udruženjima po raznim zahtjevima (pomoć za štete izazvane sušom, učešće na poljoprivrednim sajmovima, kongresu pčelara i dr.)

Kako bi se odobrila sredstva Udruženjima koja su podnijela zahtjeve, uz planirana novčana sredstva, a na osnovu poglavlja III Programa utroška sredstava iz Budžeta Općine Kakanj za podsticaje u poljoprivredi za 2021. godinu, na ovu poziciju preusmjereno je dodatnih 950,00 KM sa pozicije A/1-2 Podsticaj za rasplodne krmače, 2.978,06 sa pozicije A/1-3 Podsticaj za pčelarstvo, 2.632,79 sa pozicije B/1 Podsticaj za registraciju poljoprivrede kao snovne djelatnosti i 2.000,00 KM sa pozicije B/4 Podsticaj za sufinansiranje projekata u saradnji sa međunarodnim organizacijama.

Ukupno primljeno, obrađeno i odobreno 5 zahtjeva i isplaćen iznos od 8.816,20 KM.

4. Transfer pojedincima iz Programa utroška sredstava za podsticaje u poljoprivredi

Transfer pojedincima iz Programa utroška sredstava za podsticaje u poljoprivredi planiran je u iznosu od **5.000,00 KM**, a isplaćen je iznos od **2.450,00 KM**.

Gore navedeni iznos sredstava su utrošena za finansijsku pomoć poljoprivrednim proizvođačima po zahtjevima (pomoć za štete u oblasti stočarstva).

Ukupno primljeno, obrađeno i odobreno 4 zahtjeva i isplaćen iznos od 2.450,00 KM.

ZAKLJUČAK

U Budžetu Općine Kakanj za 2021. godinu, za općinske podsticaje u oblasti poljoprivrede odobreno je iznos od **423.800,00 KM**, ista su raspoređena u Programu utroška sredstava za podsticaje u poljoprivredi za 2021. godinu i realizovana u iznosu od **395.306,68 KM**.

Uz gore navedena novčana sredstva za općinske podsticaje u poljoprivredi, realizovana su i sredstva sa viših nivoa vlasti (Federalno ministarstvo poljoprivrede, vodoprivrede i šumarstva) za Projekat jesenje sjetve na području općine Kakanj za 2020.god. u iznosu od **14.580,21 KM**, te sredstva za Projekte nabavke plastenika u saradnji sa humanitarnom organizacijom Muslim Aid u iznosu od **57.520,00 KM**.

Iz gore navedenog se vidi, da je u 2021. godini, za razvoj poljoprivrede na području općine Kakanj iz Budžeta Općine Kakanj, viših nivoa vlasti i humanitarne organizacije Muslim Aid, ukupno utrošeno **467.406,89 KM**.

U nastavku navodimo neke od kvantitavnih uprednih podataka za navedene pozicije odnosno oblasti koje su podsticane u 2020 i 2021. godini kako slijedi;

Oblast/podsticaj	2020. godina	2021. godina
Plastenička proizvodnja (m ²)	14.095 m ²	18.845 m ²
Otkupljene količine jagodastog voća (malina, kupina, crvena jagoda . dr.) kg.	165.014,41 kg	139.638,75 kg
Prolječna obrada zemljišta m ²	504.573 m ²	659.896 m ²
Jesenja obrada zemljišta m ²	296.540 m ²	317.846 m ²
Jagodasto voće (aronija, borovnica i dr.) m ²	14.633 m ²	18.810 m ²

Održavanje intenzivnih zasada visokostablašica (m ²)	243.493 m ²	253.373 m ²
Otkupljene količine svježeg mlijeka (l.)	743.296 litara	791.959 litara

O B R A Ć I V A Ć:
Služba za privredu, urbanizam i
zaštitu okoline

P R E D L A G A Ć:
Općinski načelnik
Mirnes Bajtarević